

**ՀԱՅՐԱՊԵՏ ԿՐՕՆԱՒՈՐ.**— Մբ. Ս. Յակոբի վանքին կը նը-  
ւիրէ մէկ թղթեայ սբ. Աւետարան արծաթապատ եւ ականա-  
ղարդ (ՄՁ. Թ. 532):

**ՀԱՅՐԱՊԵՏ ՎՐԴ.**— Մբ. Ս. Էջմիածնի.— 1709ին ուխտա-  
ւորութեամբ կ'այցելէ Ս. Յակոբի վանքը, որուն պարտուց  
վճարման կը մասնակցի ԻՆ. ոսկիով՝ հաշուետումարի մը հա-  
մաձայն:

**ՀԱՅՐԱՊԵՏ ՎՐԴ. ՄՈԿԱՅԻ.**— Գրիգոր պարք. Պարոնտէրի  
ժամանակ ուխտաւորութեամբ կ'այցելէ Ս. Յակոբի վանքը:

**ՀԱՊԷՇ ՔԱՀԱՆԱՅԲ.**— Հապէչիսթանէն երկու քահանաներ  
ուխտաւորութեամբ Երուսաղէմ կուգան. եւ իրենց ուխտը  
կատարելով՝ կ'երթան Հայոց աշխարհը, և կ'այցելին վան-  
քերը: Ասոնք յետոյ Խիզան քաղաքը կուգան և այլազգիներէն  
կը նահատակուին. քրիստոնեաները սոյն երկու նահատակ քա-  
հանաներուն մարմինները ՊՀ (= 1421) թուին կը տանին կ'ամ-  
փոփեն Բարեձորի վանքին մէջ (զիւղ մը Աղձնեաց, այժմու  
Խիզան վիճակին մէջ) (Հ. Ն. Վկակեր, Հատ. Ա. էջ 155):

**ՀԵԹՈՒՄ Ա. ԹԱԳԱՒՈՐ ՀԱՅՈՅ.**— Յայնկոյս Յորդանանու  
Քէրէկի Ս. Յակոբ եկեղեցին շինած է իր Զապէլ թագուհիին  
յիշատակին: 1878ին տեղւոյն արաբացիներէն գտնուած արձա-  
նագրութեան ընդօրինակութիւնը կը դնենք հոս. «Աս եկեղե-  
ցին Սուրբ Յակովբ անուանով Հեթմոյ թագաւորի ժամանակ շին-  
ուեցաւ երանուհի Տիկնոջ Զապելին Յեսպոնիօնի պատերազմէն  
վերջ յաղթանակ ելնալով. 22.» (= 1257). սոյն արձանագրու-  
թեան տակ քանդակուած են նիզակներ, դրօշներ և անոնց մէջ  
խոյր մը. (ժպե. Հատ. Ա. էջ 187-188). Տեսնել մանրամասնու-  
թիւնները Հեթումի յաղթութիւններուն եւ Քէրէքի հայ գաղ-  
թականութեան, Ս. Յակոբի եւ Ս. Գէորգ եկեղեցիներու շինու-  
թեան եւ նոյն նորագիւտ արձանագրութեան մասին. (Անդ. էջ  
188-189, նաև Cl. Ganneau, Mission en Palestine et en Phénicie, V<sup>o</sup>  
Rapport, էջ 113, և F. Macler, Les Arméniens en Syrie et en Pales-  
tine, էջ 5-6): Կասկած չիկայ՝ թէ կեղծ է այս արձանագրու-  
թիւնը որ կը պահուի Ս. Յակոբի ժառ. վարժ.ին մէջ: — Ըստ  
աւանդութեան, Հեթում թագաւոր, Ս. Մննդեան եկեղեցիին  
փայտակերտ առաստաղը իր ծախքովը շինել տուած է, նոյն